



UNIVERSITÄTS-
BIBLIOTHEK
PADERBORN

**Selectae Christiani Orbis Deliciae ex Urbibus, Templis,
Bibliothecis, et aliunde**

Sweerts, Pierre François

Coloniae Agrippinae, M. DC. IIX.

Neapolitana.

[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

IBIDEM.

*Nunquam stygias fertur ad vndas, incluta virtus.
Iter ad superos gloria pandit.*

VITVLI ET ASELLAE.

*MVRENA VITVLVS, atque ASELLA coniuges
Quòd morte praeventi, nec illa mula, Bos
Nec ille quiuit emori, hoc amici de suis
Donis sibi sumpsere, quod vides soli.*

NEAPOLITANA.

IN NEAPOLIN IVL. CAES.
SCALIGER.

PArthenope varij statuit discrimina mundi.
*Qua tria diuerso tempore secla dedit.
Aurea Pythagoras communis commoda vita,
Et docuit Sophia Graecia magna procos.
Altera succedens studiorum mollior atas,
Admisit Musas debiliore sono.
Tertia vulnifici quaesuit pramia ferri:
Atque equitum potuit sola tenere decus.
Sic ex priuata & seruata Regina super sum;
Roma, quod est, fuerat: qua modo sum, quod eras.*

IN AVLA MAGNA AD IMAGINEM
IVSTITIAE CAECAE, DEXTRA GLA-
dium, sinistra stateram tenentis.

Cum aeterni tribunal Iudicis illum reum non
habeat, quem iniuste reus condemnat; testan-
te Propheta, nec damnabit illum, cum iu-
dicabitur ei; Caueant Iudices, & pruden-
ter at-

ter attendant, vt in caussarum processibus, nil vindicet odium, vel fauor vsurpet. Timor exulet, & præmium, aut expectatio præmij iustitiam non euertat: sed stateram gestent in manibus, lances appendant æquo libramine; vt in omnibus, quæ in caussis agenda fuerint, præsertim in concipiendis sententijs, & ferendis, præ oculis habeant solum Deum, qui sit laudabilis & gloriosus per infinita secula seculorum.

AD INSIGNIA CAROLI
V. IMP.

CAROLO V. CAES. Augusto inuictiss. imperante, Petrus Toledus Marchio Villæ Franchæ, huius Regni Prorex, Iuris vindex sanctissimus, post fugatos Turcas, arcem in Curiam redactam Iustitiæ dedicauit, conciliaque omnia hoc in loco, cum magno totius Regni commodo constituit, Anno à partu virgineo M. D. XL.

LAPIDIS CESSIONIS BONORVM
INSCRIPTIO.

D. PETRVS DE TOLEDO Marchio Villæ Franchæ Cesar. & Cath. M. in præsentî regno Vicere, locum-tenens, generalis Capitaneus, Princeps iustiss. Excellentis milite, V. I. D. Ferdinando Figueroa, Patritio Hispano regente, magnam Curiam Vicariæ curante, ad illor. morem abolendum, qui clam, nemine spectante, bonis cedebant, hunc locum erigendum mandauit, vt, qui eo post-hac beneficio vtî volent, sæpius heic iterato spectaculo, id commodum magno cum opprobrio compensent. M. D. LIII.

PHI-

PHILIPPO REGNANTE.

D. IOANNES ZVNIGA Prorex, vt affecti morbo custodia non commodiori modò, sed amœniori etiam loco curètur, valetudinarium, quod multi antè Proreges destinàrant, efflagitatum assiduis precibus, præfectoq̃ue operi Cl. Equite IOANNE NICOLAO MINATVLO feliciter extruxit, quo tempore PHILIPPVS Rex Catholicus, & idem Dominus noster, deuictos bello Lusitanos in suam ditionem redegit. Anno M. D. LXXX.

IN TEMPLO ARCIS SVpra

D. MARTINVM.

*Hic à TOLEDO cognomine PETRVS humatus,
 Qui vita & studijs clarus & ingenio.
 Seruanda huic primùm quem Rex præfecerat arci,
 Vt munita foret rupibus, arte fide.
 Seruata hac annos ter senos, nomen & ossa
 Huius perpetuò seruet & omne decus.*

Vixit ann. LXI. Obijt M. D. LVIII.

D. Sophia Nagorim Vxor POS. vt vir iusserat.

IN AEDE CATHEDRALI S. IANVARIJ.

FRANCISCO VOPISCO vita functo octogenario, anno Salutis M. D.

*Si dolor est, cui carus obit, virq̃, optimus idem,
 Omnibus & qui plus millibus vnus amet.
 Is meus est, mihi dum genitor dulcissimus, eheu!
 Antiqua exemplar simplicitatis obit.
 Aeternum cineres patris (heu) manesq̃, valete.
 Linq̃or ego: vobis parva quies stabilis.*

E. S.

I N

IN EODEM LOCO.

VICTORIAE CAPICIAE, Vxori integerrimæ. Ne, quos singularis amor & mirabilis concordia coniunxit, vel mors ipsa dinideret tumulo: hinc coniugis cineres expectant viri. Iulius Cæsar Sconditus POS.

IBIDEM.

MATTHAEI CARACCIOLI.

D. MATTHAEVS CARACCIOLVS Proto-
notarius sanctitatis Domini Papæ, qui obiit anno
Domini M. CCC. XIV. D. XXVI. Maij, XII. In-
dictione.

*Qui iacet hoc tumulo Paradisi luce fruatur,
Sitq; tibi requies, & sine nocte dies.*

IBIDEM.

IN AEDE S. DOMINICI.

EPITAPHIA REGVM ARRAGONIAE.

Inclytus ALFONSVS, qui Regibus ortus Hiberis,
Hic Regnum Ausonia primis adeptus, adest.

Obijt M. CCCC. XCIII.

FERRANDVS Senior, qui condidit aurea secla,
Hic felix Italum viuit in ore virum.

Obijt M. CCCC. XCIII.

FERRANDVM mors saua diu fugis arma ge-
rentem,

Mox positus, (qua nam gloria?) fraude necas.

Obijt M. CCCC. XCVIII.

Aoffes

*Hospes Reginam IOANNAM suspice natam:
Et cole, qua meruit post sua fata coli.*

Obijt M. D. XVIII.

ISABELLAE DUCISSAE MEDIO-
LANENSIS.

*Hic ISABELLA iacet, centū fata sanguine Regum,
Qua cum maiestas Itala prisca iacet.
Et qua lustrabat radijs regalibus orbem,
Occidit, inq̄, alio nunc agit orbe diem.*

Obijt M. D. XXIV.

ANTONI FERRANDI.

*Dormis an vigilas, ANTONI? sector vtrumq̄;
Ossa quidem primum; virtutis fama secundum.
Sanguine quo cretus? genitor quis? quidq̄, moraris?
Stirpis Aragonia; FERRANDVS; Iudicus horam.*

EPISCOPI CUIUSDAM.

*Viuit adhuc, quamuis defunctum ostendat imago.
Discat quisq̄, suum viuere post tumulum.*

TERRA TEGIT TERRAM.

IBIDEM.

*PORTIA CAPITIA Viua gaudium, mortua
mariti gemitus, hic sita est. Bernardinus Rota per-
petuū moerens, perpetuū lacrymans, pro dolor
quantum fuit carissima!*

IBIDEM.

*IOANNI ANTONIO MVSCELLAE Pa-
tricio Neapolitano, domi forisq̄; Clariss. Carolo
V. Caes. à consilijs interioribus. Cui⁹ praeter omnia
discie*

disciplinarum cognomentum, eloquentiam, & in negotijs dexteritatem, æquare nemo potuit. Qui ter ad Clementem VII. P. M. magnis de rebus legatione pro Cæs. obita, ne debitos iamque oblatos virtutib. suis honores adiret, mors importuna obstitit. Moritur anno M. D. XXXII. Camillus frater B. M. F. Vixit ann. XLVII.

IBIDEM.

IOAN. BAPTISTA ex Patricia Ducum familia non minus apud Reges Arragon. amore gloria, quam fidei præstantia clariss. Antonia Tomacella mutua caritatis causa vnicum tot lacrymarum solatium, Viro Opt. monumentum ex suo P. curavitque, ne præter se quisquam inferatur. Ut, cui puellula nupserat, & qui cum sine iurgio semper vixerat, post fata quoque perpetuo copuletur. Interceptus mortalitate ann. agens LXII. M. LX. dies XIV. v. Kal. Octob. à virgineo partu M. D. XIX.

NEPOTIS MVSCETTOLAE.

*Flos tener hic languet, qui ni cecidisset, vt vrna, &
Nomine, sic magni laude niteret Aui.*

IBIDEM.

Siste hic coniux dulcissima, vt nos vel humus nequaquam separaret, sed vna tandem nos tegat vrna. IOANELLAE MARAMALDAE coniugi optim. cum qua vixit ann. XXI. M. VII. & D. VIII. Nihil de ea nisi mortem doliturus Ioan. Antonius Muscettola, indefesso mœrore POS.

ALIVD.

Auspice me Latias Alfonsus venit in oras,

Rex

Rex pius, vt pacem redderet Aufonia.

Natorum hoc pietas struxit mihi grata sepulcrum,

CARAFÆ dedit hæc munera MALITIÆ.

Magnif. D. MALITIA CARAFA miles,

obiit M. C. D. XXXVIII. die X. Octob.

CARAFÆ GENTIS FOEMINÆ.

Gentis CARAFÆ fidus, spes vna mariti

Viva fuit, post hæc mortua luctus erit.

Ante diem cecit magnis gratissimâ diuis.

PORTIA, qua laudes vrbis & orbis erat.

Nunc ornat cælum radijs fulgentibus astrum,

Et micat ardenti lumine propè Iouem.

IBIDEM.

Offibus & memoriæ BERNARDINI CARAFÆ Episcopi, & Comitæ Theatini, Patriarchæ Alexandrini positum: Hierony. Carafa fratri vnanimi, cum lacrymis F. Vixit annos XXXIII. Mor-te iudicante, satis eum vixisse diu, cui nihil ad vllâ vel virtutis, vel prudētia literarumque laudem ad-di posset vterius. Contra grauitate conquerente fortuna, ereptam sibi facultatem ampliss. hono-ris, quem iam illi deferendum apparauerat. Fato functus est: A. S. Christianæ M. D. V.

CARAFÆ C V I V S D A M

ANONYMI.

Huic virtus gloriâ, gloriâ immortalitatem com-
parauit M. CCCC. LXX.

IBIDEM.

Mortales, an scimus, quid futura nobis dies pro-
mittat?

mittat natalem, & locum, & diem scimus; sepultura nescimus. BLANCINA mihi nomen est, Barcellona patria; hæc dum bello grauius premitur, ipsa liberos ut viserem, Neapolin profecta sum; ubi dum quinquennium exigo, supremus mihi dies affuit; condi hæc volui, nullius mecum cineres misceri passura.

BLANCINA BARCELLONENSIS hæc posita est, quæ obiit XXVIII. Iulij M. CCCC. LXIX. Vixit ann. LXXX. quorum LX. sine querela exegit cum Iacobo Ferraro cõiuge concordissimo. Io. Fil. POS.

IBIDEM.

FABIVM ET DECIVM FF. Opt. summæque spei adolescētis in infelix sepelio Ascanius Sanctinus Pater: quibus vtinam commori potuissem, quando præmori non potui. Heu mihi! non semel hæc misero, ob filiorum præcox ingenium, animus præsagiuit mala. O beatam coniugem, cui caros liberos in coelis visere, in terris amplecti licet! jam quod optasti, habes. AETERNUM fruiere. BEATRICI Cavalleriæ coniugi rarissimæ Ascanius Sanctinus perpetuè mœrens POS.

IN AEDE D. PETRI MARTYRIS.

MARITVS, VXORI.

Quis te cara tuo coniux invidit amanti?

Et miseram rapuit te mihi lætitiã?

Heu quantum ille nefas, qui te mihi sustulit, egit!

Delicias omnes sustulit ille meas.

Et cur me melius, quàm te mors improba seruat?

Nec pariter campos mittit ad Elysios?

Dij mi-

*Dij mihi crudeles, qui te rapuere, fuerunt:
Et qui te sine me sustinuere mori.*

RESPONDET VXOR.

*Abstineas queso coniux dilecte Ioannes,
Me lacrymis functam sollicitare tuis.
Vixi ego, quæ peritura fui, sic voluitur vrna:
Sis contentus es, quod tibi sorte datum est.
Hic tua sum, tua quæ fueram: depone dolores,
Non fuit ante suum mors celebrata diem.
Nec cecidi; quoniam regna in meliora recessi,
Iam super æthereas à Ioue rapta domos.*

IBIDEM.

*Apud Deum nihil operosa humilitate sublimius,
Nullum Theatrum virtuti conscientia maius est.*

IN S. MARIA DE PORTA NOVA.

IOANNIS MORIMINI.

Quàm præposterè res sese humanæ habent? cuius mihi dulcissimas manus oculos prius claudere fas fuit, infeliciss. parens filium hic antè condidi meum. Ademit importuna mors seni baculum, cui defessa iam adnitès ætas annos alleuaret suos. Nunc antè me mors assequetur, quàm hæ lacrymæ deferrant.

*Carolus MORIMINI Ioanni F. B. M. POS.
Vixit annos XXVII. M. I. D. VII. M. CCCC.
LXXXIII.*

CAROLI MORIMINI.

Fui, non sum. estis, non eritis. nemo immortalis.

Somno

Somno & securitati æternæ CAROLO MORIMINI patri opt. Troianus & Henricus FF. virtutis & amoris causa.

ANTONI PANORMITAE.

*Quærite Pierides alium, qui ploret amores:
Quærite, qui Regum fortia facta canat.
Me Pater ille ingens, hominum sator, atq; Redemptor
Euocat, & sedes donat habere pias.*

IN S. MARIA MONTIS OLIVETI
ANONYMI.

*Dat sua telluri, sua dat cœlestia cœlo,
Donec summa dies iungat vtrumq; polo.
Virtute, ingenio, fortunâ & corpore paruus,
Parua etiam paruo condidit ossa solo.*

ALIVD.

Expecto, donec veniat immutatio mea.

HOSPES MIRARE SEPULTI
FIDEM.

Hic dum arci Parthenopæ à D. Alfonso Arragonio præfectus, classica & terrestri obsidione premeretur, ne fidem pollueret, exhausto iam ærario, imminencia capitis pericula sponte negligens, foedum mularum & canum esum non respuit; quin duobus fratrib. captiuis ab hoste oppositis, ne tormentorum ictus increbrescerent, socio sanguini fortitudinem præferens, à proposito non est abductus. Deinceps mortuo Rege inclyto Ferdinando, vberima multorum frangendæ fidei præmia ludibrio habuit.

MARIAE

NEAPOLITANA.

MARIAE PICOLOMINEAE.

Qui legis hæc, submissiùs legas, ne dormientes excites. Rege Ferdinando orta MARIA ARRAGONIA hinc clausa est. Nupsit Antonio Picolomineo Amalfæ Duci strenuo, cui reliquit tres filias, pignus amoris mutui. Puellam quiescere credibile est, quæ mori digna non fuit.

Vixit ann. xx. Anno Domini M. CCCC. LX.

IBIDEM.

ANTONIUS DE ALEXANDRO I. C. ad suas & suorum reliquias, quousq; omnes resurgamus, reponendas, sacellum hoc construxit, & Redemptori nostro dicavit ann. M. CCCC. LXXXI.

Quo loco, quòue tempore fiat hæc migratio, quid interest? Undique Christi fidelibus ad cœlestia regna patet aditus. Sequentur autem me haud dubie, quicumque non præcesserint.

GVILIELMI BERDINCX ANT-
VERPIANI.

*Infelix caro! quàm felix anima! illa sub atra
Computrescit humo: transuolat ista polos.
In cinerem quandoq; caro conuersa resurget
Ex cinere, atq; anima iuncta, sequetur eam.*

Vixit annos xxxviii. obiit Id. Octob. ann.
M. D. LXXIX.

MARCHIONIS PISCARIAE.

*Quis iacet hoc gelido sub marmore? maximus ille
Piscator; belli gloria, pacis honos.
Nunquid & hinc pisces cepit? non. ergo quid? vrbes,
Magnanimos reges, oppida, regna, duces.*

F

Dit,

*Dic, quibus hac cepit Piscator retibus? alto
 Consilio, intrepido corde, alacriq; manu.
 Qui tantū rapuere Ducē? duo numina, Mars, Mors.
 Ut raperent, quisnam compulit? Inuidia.
 Nil nocuere ipsi. viuit nam Fama superstes,
 Qua Martem, & Mortem vincit, & Inuidiam.*

ALIVD PER PONTANVM.

*Arma manu tibi capta, & victo ex hoste trophæa
 Hac tibi marmora erunt, hac tibi erunt tituli.
 Hoc tibi Mars statuit, statuit Bellona sepulcrum.
 O DAUALE, hæc cineri debita busta tuo.
 His ALFONSE iaces ornatus & obrutus armis.
 Arma tibi tumuli, tela tibi tituli.
 Obijt XIII. Nouemb. M. D. XXVI.*

IBIDEM.

*Qua miser imposui lugubria saxa sepulcro.
 Mi pater, innumeris accipe pro meritis.
 Quod si marmoream licuisset fundere formam
 Te natus tegeret non alio lapide:
 Ancisaq; nota legerentur, Gratus Alexis
 Reddidit ossa patri, sitq; patri tumulus.
 Andreæ Simonis F. Alexio, Antonius patri pijs.
 Qui nemini vnquā iniurius, prodesse semper
 studuit. Vixit ann. LXXV. perpetua cum
 valetudine.*

MARINI.

*Qui fuit Alfonsi quondam pars Maxima Regis
 MARINVS, hac modicâ contumulatur humo.
 MARINVS CVRIALIS Surrentinus, Terræ
 nouæ Comes, anno Domini M. CD. XC.*

GAECI

CAECILIAE IANVARIAE.

Quam capit hic tumulus, CAECILIA IANVARIA inter præcipua urbis ornamenta, venustatis, atque pudicitiae exemplum, hinc ab Iulio Ianuario marito miserabili, donec eius cineres commodiori, & utrique solùm communi sepulcro deponantur, sita est. Elata ex abortu, cunctis colla-
crimantibus, anno ab ortu Salutis M. D. XXX. XVI. Calend. April.

IBIDEM.

ISABELLAE ORILIAE, cui nunquam vel tantillum querelatum dedimus, superstites novem Filij matri optimæ. Vixit ann. LVII. obiit M. D. XXXVII.

FLEBILE AMICI OBSEQUIUM.

*Pierides tumulo violas, Venus alma hyacinthos,
Balsama dant Charites, Cinnama spargit Amor,
Phœbus odoratas laurus, Mars ipse amarantus:
Nos lacrymas, rare munus amicitie.*

ALEXANDRI NOVOLARIAE Comitiss, Inuenis (prò dolor) & bellicis & litterarijs dotibus ornatiss. ossa hinc quiescunt pro tempore. Vixit ann. P. M. XXXIII.

Hic tantùm doluit, quòd in acie non cecidisset. quibus notus fat, miserè deplorandus. anno M. D. XXX. Non. August.

M. S.

HUGONI PEPULO Comiti Bononiensi:
Qui cum ad familiaris dignitatem, & splendorem non domesticas tantùm virtutes, sed & bellicæ

NEAPOLITANA.

bellicę laudis decus adiunxisset : in maximis expeditionibus, consilio, atq; animi magnitudine proximum sibi imperijs gradum, & insigne apud cunctas Europę nationes nomen meruit. Florere gloria, & ætate sua extincto Philippus Pepulus Comes, fratri D. S. O. M. mœrens P. B. ann. XLIII. M. IV. D. XX. ☉. Capuę v. Kalend. Septem. M. D. XXVIII.

O semper inimica & inuida proficiscenti ad summam gloriam virtuti mors!

IBIDEM.

IOANNES DE CABANIGLIS Troię Comes, fati acerbitate luctus perpetuus, quibus merito maxima erat spes. ☉. anno M. CCCC. LXXXIII. B. ann. XXX.

IBIDEM.

CONSTANTIA, DAVOLA & BEATRIX Picolominei Filię, reddunt, quę sunt cęli, cęlo, quę sunt terrę, terrę : vt semper vnā vixere, sic condi tumulto voluere.

O beatam mutui amoris constantiam!

IN CAENACVLO MONACHORVM.

Alphonso Arragonię Regi Iustissimo, inuictissimo, munificentissimo, Oliuetus ordo, ob singularem erga se beneficentiam, qui cum hic coniunctiss. vixit, vt regia maiestate deposita, cum eis vnā cibum caperet, ministris deinde mensarum ministraret, lectitaretque F. C.

IN

IN S. MARIA MAIORE.

ANTE SACELLVM IOANNIS IOVIANI
PONTANI.

D. MARIAE, DEI MATRI, ac D. IOANNI
Euangelistæ Sacr. IOAN. IOVIANVS PONTA-
NVS DEO. M. CCCC. XCII.

IN MARMOREIS TABELLIS VIII.
MVRO SACELLI INSERTIS.

In magnis opibus, vt a modum difficile, sic ad-
modum pulcrum est, seipsum continere.

In vtraque fortuna ipsius fortunæ memor es-
sto.

Serò pœnitet, quamquam citò pœnitet, qui in
re dubia nimis citò decernit.

Integritate fides alitur: fide verò amicitia.

Nec temeritas semper felix, neque prudentia v-
bique tuta.

Hominem esse se haud meminit, qui nunquam
iniuriarum obliuiscitur.

Frustra leges prætereunt, quem non absoluerit
conscientia.

In omni vitæ genere primum est, seipsum nos-
cere.

IBIDEM.

ARAE DEDICATIO.

Tibi Deus Opt. Max. aram hanc dedicat Ioan-
nes Iouianus, nec tecum paciscitur, vt sibi, liberis
posterisq; suis benefaxis: cum ipse volens libens-
que gratuitò benefacias cunctis: sed quia tibi ab o-
mnibus debeantur omnia.

EPITAPHIVM PONTANI.

Viuus domum hanc mihi parauit.
 Qua quiescerem mortuus.
 Noli obsecro iniuriam mortuo facere,
 Quam viuus fecerim nemini.
 Sum enim IOANNES IOVIANVS PONTANVS,
 Quem amauerunt bona musa,
 Suspexerunt viri probi,
 Honestarunt Reges, Domini.
 Scis iam, qui sim, aut qui potius fuerim.
 Ego verò te hospes, in tenebris noscere nequeo.
 Sed te ipsum vt noscas, rogo. Vale.

Obijt anno Christi M. D. III. A. Etat. LXXVII.

HADRIANAE SAXONAE.

Illa tori benefida Comes, custosq; pudici,
 Cuiq; & acus placuit, cui placuere coli.
 Quaeq; focum, castosq; lares seruaui, & ara
 Et thura, & lacrymas, & pia ferta dedit.
 In prolem studiosa parens, & amabilis vni,
 Quae studuit caro casta placere viro.
 Hic posita est ARIADNA, rose, violaeq; nitescant.
 Quae posita est, Syrio spiret odore locus.
 Vrna crocum domina fundat, destillet amomum
 Ad tumulum, & cineri spica Ciliffa fruatur.

Quinquennio postquam, vxor, abijisti, dedicata
 prius aediculâ, monumentum hoc tibi statui, tecum
 cotidianus vt loquerer; nec, si mihi non respondes,
 respondebit desiderium tui, per quod ipsa semper
 mecum es; aut obmutescet memoria, per quâ ipse
 tecum

tecum loquor. Haue igitur mea HADRIANA,
 Vbi enim ossa mea tuis miscuero, vterque simul
 benè valebimus. Viuens tecum vixi annos XXIIX.
 dies XXIX. Victurus post mortuus æternitatem
 æternam.

Ioannes Iouianus Pontanus HADRIANÆ
 SAXONÆ vxori optimæ, ac bene meren-
 tiss. POS. quæ vixit annos XLVI. M. VI.
 obiit Calend. Mart. anno M. CCCC. XC.

LVCIO FRANCISCO IOAN.
 PONTANI F.

Has aras pater ipse DEO, templumq; parabam,
 Quo tu, Nate, meos contegeres cineres.
 Heu fati vis laua, & lex variabilis cui!
 Nam pater ipse tuos, Nate, struo tumulos.
 Inferias puero senior, natoq; sepulcrum
 Pono parens. heu, quid sidera dura parant?
 Sed quodcumq; parant, breue sit; namq; optima vita
 Pars exacta mihi est; cetera funus erunt.
 Hoc tibi pro tabulis statuo. pater ipse dolorum
 Hæres: tu tumulos pro patrimonio habe.

Vixit annos XXIX. M. V. D. III.
 LVCIO FRANCISCO F. Pontanus Pater,
 anno Christi M. CCCC. IIC. D. XXIII.
 August. POS.

LVCILII EIVSDEM PON-
 TANI FILII.

LVCILI tibi lux nomen dedit, & dedit ipsa
 Mater stella tibi, stellaq; luxq; simul.

F ♦

Eripuit

Eripuit nox atra, nigra eripueret tenebra.

Vixisti vix, quot littera prima notat.

Hos ne dies breue tamne tibi lux fulsit, & aura
Maternum in nimbis sic tenuere iubar?

Infelix fatum! puer heu male felix! heu quod

Nec puer es, nec lux, nec, nisi inane. quid es?

Floreat ad pueri tumulum ver, halet & vrna,

LVCILI & cineri spiret inustus odor.

Dies L. non impleti filii. ô breue naturæ specimen!
æternus parentum mœror ac desiderium!

Has LVC I tibi & inferias, & munera soluo,
Annua vota p̄s, (heu mihi!) cum lacrymis.

Hæc LVC I tibi & ad tumulos posui umq̄, pheretrum
Dona pater multis diluo cum lacrymis.

Hæc dona, inferiasq̄, heu, heu, nunc nate capillum.
In canasq̄, comas accipe, & has lacrymas.

His lacrymis, his te inferijs, hoc munere condo.

Nate vale æternum, ô & valeant tumuli.

Quin & hient tumuli, & tellus hiet, & tibi me me
Reddat, & vna duos vrna tegat cineres.

Pontanus Pater L. FRAN. F. Infelici.

L. MARTIAE FILIAE.

Liquisti patrem in tenebris me LVCIA, postquam
E luce in tenebras Filia rapta mihi es.

Sed neq̄, tu in tenebras rapta es, quin ipsa tenebras

Liquisti, & medio LVCIA sole micas.

Cælo te nata aspicio, num nata parentem

Aspicias? an fingit hæc tibi vana pater?

Selamen mortis misera te nata sepulcrum

Hoc

*Hoc tegit, haud cineri sensus inesse potest.
 Si qua tamen de te superat pars, nata: fatere
 Felicem, quod te prima iuuenta rapit.
 At nos in tenebris vitam luctuque trahemus.
 Hoc precium patri filia quod genui.*

Musæ, filia, luxerunt te in obitu: at lapide in hoc luget te pater tuus; quem liquisti in squalore, cruciatu, gemitu. Heu, heu filia, quod nec morienti pater affui, qui mortis cordolium tibi dederem: nec sorores, quæ ingemiscenti collacrymarentur misellæ. Nec frater singultiens, qui sitienti ministraret aquulam; non mater ipsa, quæ collo implicata, ore animulam exciperet infelicissima. Hoc tamen felix, quod haud multos post annos te reuisit, tecumque nunc cubat. Ast ego infelicio; qui breui cum utroque edormiscam, eodem in conditorio. Vale filia, matrique frigescenti cineres interim caleface, ut post etiam refocilles meos. Ioan. Iouianus Pontanus LVCIAE MARTIAE filia dulciss. P. quæ vixit annos XIII. M. VII. D. XII.

PETRO COMPATRI VIRO OFFI-
 CIOSISSIMO CONSTANTEM
ob amicitiam.

IO. PONTANVS.

Quid agam, requiris? tabesco. Scire quid sim cupis? fui. Vitæ quæ fuerint condimenta, rogas? Labor, dolor, ægritudo, luctus; seruire superbis Dominis: iugum ferre superstitionis: quos charos habebas, sepelire: patriæ videre excidium: nam vxoris vxoris molestiam nunquam sensi.

F 5 ANO-

ANONYMI.

*Hæc satis in tumulto. fragilem te noueris esse:
Mors certa est, tempus perbreue, vita nihil.*

ALIUD.

Care viator abi, & non plora pro me, nam &
morte vita.

IN S. MARIA NOVA.

ODETTO LAVTRECCO FVCCIO Consal-
uus Ferdinandus Ludouici Cordubani F. Magni
Consalui nepos, cum eius ossa, quamuis hostis, vt
belli fortuna tulerat, sine honore iacere compe-
risset, humanarum miseriarum memor, Gallo duci
Hispanus Princeps in auito sacello P.

IBIDEM.

Ossibus, & memoria PETRI NAVARRÆ
Cantabri, solerti in expugnandis vrbibus arte cla-
rissimi, Consaluus Ferdinandus Ludouici filius,
Magni Consalui N. Sueffæ Princeps Ducum Gal-
lorum partes secutum pio sepulcri munere hone-
stauit, cum hoc in se habeat præclara virtus, v& et-
iam in hoste sit admirabilis.

IBIDEM.

LOYSIA DE PENNA Raphaelis F. Sanctij Vi-
taliani vxor, multarum familiarum auia, proauia,
ne id negotij posteris relinqueret, viuens curauit.
Vixit annos huc vsque LXXX, anno salutis M. D.
XXI. Septemb. XXI.

IBIDEM.

CONSTANTINVS CASTRIOTVS hic regi-
tur, sanguine & cognatione Regum ac Casarea
clarus; morum candore insignis, dignitate Ponti-
fex Eserniensis; dum probè viuit; intempestiuè mo-
ritur. Andronica cominata auia paterna, nepoti
optimo posuit M. D.

ALIUD.

Herrico Pandono Borianensium Duci, Vena-
friq̄e Dn. & Catharinæ Aquæviuz, coniugibus
concordiss. Hippolyta Ferdinandi Regis Arrago-
nei neptis, filio, nuruiq̄e infelicis. contra votum
superstes infelicior, æterno mœrore posuit. An. à
partu Virginis M. D. XXXI.

ALIUD.

Petrus de Iccis Hispanus, genere insignis, E-
quitum signifer. Qui quinque lustris in bellis Ita-
licis, pro Carolo V. Imperatore strenuè & sum-
ma cum fide militauit: & ob suam virtutem Bor-
bonum oppidum in præmij partem accepit. dum
quietam vitam viuere putarat; DEI iussu ad cœ-
lum, ubi vera captatur quies, ascendit. D. vi. Febr.
M. D. XXXV. ætatis suæ annorum XXXIX. mens.
IX. d. XI.

IN S. MARIA ANNUNCIATA.
ISABELLAE RICHISENTIAE.

Hospes legas, ne lugeas, rogo.

Ha ISABELLA RICHISENTIA Cardonia
Neap. Proregina iacet hic.

Qua

*Quam si oculis in terris vidisse viuentem
Summa fuit beatitudo:*

*Quantò feliciores erunt, quibus animo
In calis eandem (quinam mori potuit?)
Contemplari contigerit!*

*Credendum est, eius formam & virtutem
Anima ad aeternam gloriam fuisse comites.*

*Occidit aurora oriente, ætatis suæ Ann. xxxvi.
v. Mart.*

D. O. M.

O MORTALIVM VARIAM IN-
STABILEMQUE FORTV-
nam!

IOAN. BOOT Antuerpiæ nascitur: vt pruden-
tior fieret, lustrat Europam: Tandem Neapoli,
dum legibus operam nauat, atque officiosissimè
negotiat: maiorum splendore nobilis; fide, pie-
tate, ac singulari integritate longè nobilior: in
ipso ætatis flore moritur: Antonius fratruelis;
quem viuum seruare non potuit, hic ex testamen-
to condito cadauere, pijs lacrymis ad superos con-
scendentem prosecutus est. Decessit à partu virgi-
neo M. D. L V I I. D. X X I I I I. Febr.

LVCRETIA EB VLA.

Perpetuus mariti dolor, hinc sita est.

Ioannes Vincentius Loffredus

Coniugi dulcissima fecit. Voluit idem

Huc eius inferri cineres; vt cum ea

Semper vnà esse posse mortuo saltem

Liceat, id quod viuo non licuit.

Hinc pauperum cadauera non arceantur.

D. O. M.

D. O. M.

Ferdinandus Manlius Neap. Camp. architectus.
 Qui Petri Toleti Neapolitani Proregis auspicio
 regijs ædibus extruendis: plateis sternendis: cry-
 ptæ aperiendæ: vijs & pontibus in ampliorem for-
 mam restituendis: palustribusque aquis deducen-
 dis præfuit. Cuius elaboratum industria, vt tutius
 viatoribus iter, loci colonis salubriores essent: Ti-
 motheo Encyclio Mathemat. pietatis rariss. filio.
 Qui vixit ann. xix. m. vi. d. v. sibi, ac suis viuens fe-
 cit. A Christo nato M. D. LIII.

IBIDEM.

ANTONIUS AMABILIS Protonotarius Apo-
 stolicus, Canonicus Neap. de suo nihil aliud, quam
 tantulum marmoris sibi reliquit. Ann. M. D. LII.

IBIDEM.

Si genus, pulchritudo, ingenium, si parentum
 amor,

Pietas, labor, ac diligentia mortales asserere
 possent

Ab impetu furentis mortis; Portia Pignatella
 infelix

Mater, inuitaque superstes, nunquam LVCRE-
 TIAE

CARACCIOLAE nobile cadauer, lacrymans,
 sacro spiritui, hoc tumulo condidisset.

Vixit ann. xxiiii. m. xi. d. xxvi.

Decessit à partu virgineo. An. M. D. LII.

IBIDEM.

ANTONIUS ROTA & LVCRETIA BLAN-
 CIA

CIA viui sibi H.M.PP. vt quâ vixere concordia; & mortui quoque vnâ quiescerent, neue eorum inquietarentur ossa, cauerunt, ne quis omninò monumentum sequatur. Bene viuunt boni coniuges, bene etiam moriuntur.

IN S. MARIA IN ADITV CAVERNAB MONTIS PANSILYPI.

*Aetas, forma, genus, nos hęc cum corpore liquit,
In terris, & opes, corporis exuuias.
Ast animam, comites quæ semper in orbe fuere,
Lucida virtutum duxit ad astra chorus.
Tres nati coniux ex me tibi care supersunt,
Immatura duos mors tulit: ipsa sequor.*

VIRGILII IN ANTIQVA VRNA.

*Mantua me genuit, Calabri rapuere, tenet nunc
Parthenope, cecini pascua, rura, Duces.*

ALIVD IN CANDIDO MARMORE.

*Qui cineres? tumuli hac vestigia; conditur olim
Ille hoc, qui cecinit pascua, rura, Duces.*

ALIVD PER IOANNEM LVD.
VIVEM.

*Hic ego qui iaceo, terno MARO carmine clarus
Pastores lusi, colui rus, bellaquę scripsi.*

ACTII SYNCERI SANNAZARII
NOBIL. POETAE.

*Da sacro cineri flores; hic ille Maroni
SYNCERVS Musa proximus, vt tumulo.*

ALIVD.

ALIVD.

*ACTIVS hic situs est: cineres gaudete sepulvi;
Nam vaga post obitus umbra dolore caret.*

Vixit ann. LXXII. M. I. D. XXIX. Obijt An.
M. D. XXX.

PETRVS BEMVVS DE SAN-
NAZARIO.

*Quid moror? aeterni te suspicit umbra Maronis,
Et tibi vicinum donat habere locum.*

IN EIVS OPVSCVLVM DE PAR-
TV VIRGINIS.

*Smyrnam olim decimum prestisti, Cinna, sub annuq;
Hic gessit partum bis duo lustra suum.*

ANTONIVS TIBALDEVVS.

*Virginis intacta partum, partumque videbis,
Actia quem docto pectore Musa dedit.
Admirandi ambo. humana fuit ille saluti
Vtilis: humanis hic fuit ingenijs.*

IN MONASTERIO MONTIS
VIRGINIS.

MATTHAEVS DE AFFLICTO, Nobilis Neap.
ad extremam senectutem integra & animi & cor-
poris valetudine peruenit. Sub V. Neapolitano-
rum Regibus se fidelem consiliarium gessit: vtriuf-
que Iuris peritiss. de Feudis, & Regni constitutio-
nibus copiosissimè scripsit. Multa scitiss. consilia
reliquit. Annum agens ferè 80. naturæ concessit.

IN

IN S. MARIA POPVLI.
FERDINANDI DVCIS TERMVLANI.

Hic æquis passibus patrem secutus, æquè eni-
tuisset: ni mors immatura tantam gloriæ expecta-
tionem interceptisset.

*Que mihi debebas suprema munera vita,
Infelix soluo nunc tibi, Nate, prior.*

(Fortuna inconstans, lex & variabilis aui)

Debueras cineri iam superesse meo.

Hæc dat matris amor rapti solamina nati,

Inuida cui Lachesis tam breue nectit opus.

Nate iaces viuo, contra mea vota, superstes.

Vox gemitus posthac, lux mihi erunt tenebræ.

Maria Ayerba Ferdinando Termulanorum Du-
ci, filio dulcissimo perpetuò mœrens Pos.
M. D. XXXI.

IN SACELLO GARAPPI.

Sacellum hoc quod D. ANT. GARAPPVS, im-
maturum pudicissimæ filiæ ISABELLÆ obitum
defens, inchoârat, pariq̃e fato (heu mortalium
fragilitatem!) non perfecerat, IOAN. FERRANO,
CORCIONIVS infelix gener, post mortem obse-
quentior, absoluendum curauit, carosq̃e cineres
hac vrna lacrymans condidit: vt, quos viuos cha-
ritas coniunxerat, Mors dirimere non posset. An-
no salutis M. D. LIIII.

IN S. MARIA DE GRATIA.

GALEATIVS IUSTINIANVS Briccij F. Præ-
fectus classis, BAPTISTÆ fratri pientiss. ac
B. M.

B. M. sibi que vivens Pos. ut ita mortis simul soporem dormiant, sicut vitæ concorditer excubias vigilarunt. Et ne viator aberres, se duplici iactant patria: genuit dulcis Genua, pulcrâ tenet Parthenopæ, Carolo V. Imperat. H. M. H. N. S.

IBIDEM.

BEATRIX GRATIANA Parthenopæa, illibatam virginitatem servans, recordata quod mortalis erat, sibi tumulum hunc viua Pos. donec tuba canet. Anno M. D. xxv. Die v. Iulij.

IBIDEM.

ANTONIO BRANCALEONI à Cæsaris rationibus, spectatæ fidei Viro, filij, extinctâ vitâ, moesti, viua famâ læti, & sibi F. F. Vixit annos LXXX.

IN S. MARIA DE SAPIENTIA.

BERNARDINA FRANSA mihi & meis feci: Certa domus, secunda quies, nil quærimus ultra: M. D. LVI.

IN S. IOANNE DE CARBONARIA.
TIBI COELI REGINA.

GALEATIVS CARACCIOLVS, cui bonâ multa contulisti, à quo item mala abruncasti plurima, sacellum marmoreum, cum signis, & omni cultu, gratis libensque dedico, & tanquam decumam soluo. Anno post editam à te salutem M. D; XVI. VIII. Id. Ian.

GALEACIO CARACCIOLÒ, qui sub Regibus Arragonijs egregiam sæpius in bello operam

G naua-

nauavit: quiq̄ue in expugnatione Hydruntina ad-
uersus Turcas Regijs signis præfuit.

Vixit ann. LVII. Nicolaus Anton. parenti opt.
fecit.

IBIDEM.

LVCRETIA DE BAVCIS, Comitissa Burgen-
tix, & Cagiani Ducissa, videns defunctorum cu-
ram triduo deleri, ne posteris vlla sui relinquatur,
viuens hoc sibi pos.

LADISLAI REGIS.

*Improba mors nostris (heu!) semper, & obuia rebus,
Dum Rex magnanimus totum spe concipit orbem,
En moritur, saxo tegitur Rex indyctus isto,
Liber a sidereum Mens ipsa petiuit Olympum.*

DEINDE.

*Qui populos bello tumidos, qui clade tyrannos
Perculit, intrepidus victor terraque marique,
Lux Italum, Regni splendor clarissimus hic est
Rex LADISLAVS, decus altum, & gloria Regum;
Cui tanto (heu!) lacrymans Soror illustrissima Fratri
Defuncto pulcrum dedit hoc Regina IOANNA,
Vtraque sculpta sedens, maiestas vltima Regum
Francorum, soboles Caroli sub origine primi.*

IN EIVSDEM TVMVLVM SAN-
NAZARIVS.

*Miraris niueis pendentia saxa columnis
Hospes, & hunc, acri qui sedet altus equo?
Quid si animos, roburque Ducis, præclaraque nosse
Pectora, & inuictas dura per arma manus?*

Hic

*Hic Capitolinis deiecit sedibus hostem:
 Bisque triumphata victor ab vrbe redit.
 Italiamque omnem bello concussit, & armis,
 Imulit Hetrusco signa tremenda mari.
 Neve foret Latio tantum diademate felix,
 Ante suos vidit Gallica sceptrapedes:
 Cumque rebellantem pressisset pontibus Arnum,
 Mors vetuit sextam claudere olympiadem.
 Inunc, bella para, fastusque attolle superbos:
 Mors etiam magnos obruit atra Deos.*

IN S. IOAN. EVANGELISTAE.

ANGELO PAPACODAE, Fran. Filio Martora-
 hensi Episcopo, viro ornatissimo, qui in non ma-
 gnis opibus magnum exercens animum, nulla
 magis in re, quam aliorum leuanda inopia suis
 bonis usus est, Hæredes B. M. P. Decessit ex mor-
 talibus ann. nat. LXVI. ab ortu mundi rediuiui
 M. D. XXXVII.

IN S. IOANNE MAIORE.

Auete parentes opt. TOMASIO DVRO, rari
 exempli Patritio: & Iulix Rotæ genere, & religio-
 ne insigni: Filij collacrymantes facere cur. erepti.
 An. M. D. XXXVI.

*Felices, quibus vna fuit mens semper; & vna
 Quos tulit hora simul; quos lapis vnus habet.*

ABBATIS ANISII.

*Onustus euo IANVS hic ANISIVS,
 Quærens melius iter, reliquit sarcinam,
 Qua pragrauato nulla concessa est quies:*

*Tum si qua fulsit; cum Camænis hæc stetit,
Quæ mox facescere plus negotij.*

H. M. H. N. S.

Hoc de suo sumpsit, sacrum est, ne tangito.

IN S. IOANNE ET PAVLO.

*Tres tulit vna dies: fuerat tribus vna voluptas,
Tres habet heu! tumulus, lector abi, & lacruma.*

AD EFFIGIEM DIMIDIATÆ

STATVÆ.

*Quid me miraris duro de marmore factam?
Respice te potius: vermibus esca manes.*

IN S. GREGORIO MAIORE.

Orbitatis miseræ miserere hospes. Vnica spes
parentum, vnica lux, egregiâ formâ, rarâ indole
puer, triennio vix exacto hîc è suorum complexu
raptus, clauditur. En rerum humanarum conditio.
IOANNI BAPT. MONTIO Parentes mœstis.
Pofs.

CATHARINÆ PVERPERÆ.

*Indulgens natura fuit, sors cruda puella,
Quæ iacet hîc primo raptâ puerperio.
Et decor, & lepidi mores, & dulcia lingua
Flumina, & ætatis flûs, pietatis amor,
Decretum duri nequierunt vincere fati:
Ante diem bona tot sustulit vna dies.
Talis ad Elysios abiit CATHARINÆ recessus;
Lucifer vt visus nube adopertus abit.
Perpetuas liquit lacrymas vtrique parenti,
Perpetuò extinctam sexus vterque dolet.*

IN

IN S. ANTONIO.

IOAN. BAPT. SOLANVS Valentinus, vir tam Mathematicis, quàm Philosophiâ apprimè eruditus, dum Ophthalmiam ex assiduis studijs contractam curare studet, remedium quærens, in mortem incurrit, Anno ætatis suæ xxx. Obijt M. D. XLV. v. Kalend. April. hora III. M. H. M.F. C. ALVARVS QVADRATA Episcopus Venusinus.

IN S. IOSEPHO.

Sic mors ipsa, cum venerit, vincitur,
Si, priusquam veniat, semper timeatur,

IN S. IACOBO HISPANORVM.

PETRVS TOLEDVS Friderici Ducis Aluæ F. Marchio Villæ Franchæ, Regni Neapolitani Prorex, Turcarum, omniumque hostium spe sublata, restitutâ iustitiâ, vrbe mœnijs, arce, foroque aucta, munita, exornata: denique toto regno diuitijs ac hilari securitate repleto, monumentum virens in Ecclesia dotata, & à fundamentis erecta Pontificis mand. Vixit annos LXXIII. Rexit XXI. Obijt M. D. LIII. VI. Kal. Feb.

D. O. M.

Subsiste parumper viator, si placet, & quis hoc tegatur tumulo, lege. Fuit is IOANNES ille VVALTHERVS ab Hirhaim Germanus, inter equestris ordinis viros miles fortiss. qui Carolum V. Imper. Augustum in omni fortuna secutus, à consilijs illi, à legationibus, & præcipuis munijs bellicis fidelem & strenuam operam præstitit.

G 3 Idem

Idem eius filio Philippo Hispan. & Angliæ Re-
gi præstiturus, VI. mill. Germanorum in hoc re-
gnum duxit; sed eodem die, quo in Heracis pax
bello, morbus vitæ illius finem imposuit. Ergo
tu, quisquis es miles, qui hæc legeris, fato tuo
ne terrere, sed cogita, summos etiam Duces sæpe
extrabellum occumbere. Obijt XVIII. Augusti,
anno M. D. LVIII.

Henricus à Papenheim Sac. Rom. Imp. Heredi-
tarius Marschalcus, militum tribunus, a-
uunculo bene merito gratitudinis ergò cum
lacrymis P.F.

 IN S. SEVERINO.

Hic ossa quiescunt IACOBI SANSEVERINI,
Comitis Saponariæ, veneno miserè, ob avaritiam,
necati, cum duobus miseris fratribus, eodem fato,
eadem hora commorientibus.

 IBIDEM.

Iacet hîc Sigismundus SANSEVERINVS, ve-
neno impiè absumptus, qui eodem fato, eodem
tempore, pereuntes Germanos fratres nec allo-
qui, nec cernere potuit.

 IBIDEM.

Hic situs est ASCANIVS SANSEVERINVS,
cui, obeunti eodem veneno iniquè atque impiè,
commorientes fratres, nec alloqui, nec videre
quidem licuit.

IBIDEM.

Hospes miserrimæ miserrimam desleas orbitatem. En illa HIPPOLYTA MONTIA, post natas fœminas infelicissima; quæ VGONI SANSEVERINO coniugi tres maximæ expectationis E. F. F. peperit. Qui venenatis poculis (vicit in familia, pro scelus! pietatem cupiditas, timorem audacia, & rationem amentia) vna in miserorum complexibus parentum miserabiliter illico expiravit. Vir, ægritudine sensim obrepente, paucis post annis in his etiam manibus exspiravit. Ego tot superstes funeribus, cuius requies in tenebris, solamen in lacrymis, & cura omnis in morte collocatur: quos vides separatim tumulos, ob æterni doloris monumentum, & in memoriam posui illorum sempiternam. Anno M. D. XLVII.

IBIDEM.

*Dum facio infelix æterno funera stetu,
Creuerunt lacrymis hæc monumenta meis.
Quis, nisi mollissem tristissima corda, rigerem
Ipsa etiam, hoc toto corpore facta silex.*
GVIDONII FERRAMOSCAE Comiti Magnanimo Coniugi O. M. Isabella Castriona infelix contra votum P.

ANDREAE CICARAE.

*Nate patris, matrisque amor, & suprema voluptas,
Entibi, quæ nobis te dare fors vetuit,
Busta damus, tristesque notas, hinc inuida quando
Mors immaturo funere te rapuit.*

G + AN-

ANDREAE F. dulciss. qui vixit ann. VI. M. II.
D. XX. Robertus Bonifacius, & Lucretia Cicara
Parentes, ob raram indolem.

IN S. ANELLO.

IULIUS FELTRIUS eram anno Christ. salut.
M. D. XXVIII. Martij die IIII. & XX. fabulam
clusi meam.

PORTIAE CARACCIOLAE.

Qui legis mortem, inculato, quæ tot venustatis
ornamenta, tot gratiarum elegantias, tot pudici-
tiæ flosculos in vna PORTIA CARACCIOLA
germinantes acerbitissimè sepeliuit. Isabella soror
Castrouillari Dux hanc illi urnam, immortalium
causam lacrymarum, erexit. M. D. L.

Quisquis me nunc calcas viuus, cogita, si sapi,
idem te mox futurum.

IBIDEM.

Ecce, superbientis naturæ qualis sit mox futu-
rus casus.

AD S. CRUCEM.

Hic iacet summæ humilitatis exemplar, corpus
venerabilis memoriæ sanctæ sororis CLARAE,
olim Dominae Sanciae, Reginae Hierusalem, & Si-
ciliae, relictæ claræ memoriæ sereniss. D. Roberti,
Hierusalé & Siciliae Regis, quæ post obitum eiusdem
Regis viri sui, agens viduitatis debite annu, deinde
transitoria pro æternis commutans, ac induens
in eius corpore, pro amore Christi, volunta-
riam paupertatem, bonis suis omnibus in ali-
moniam pauperum distributis, hoc celebre mo-
nasterium sanctæ Crucis, opus manuum suarum,
sub

sub ordinis obedientia est ingressa, anno Dñi millesimo trecētesimo, quadragesimo quarto, die XXI. Ianuarij, duodecimæ Indictionis: in quo vitā beatam ducens, secundū regulam B. Francisci Patris pauperum; tandem vitæ suæ terminum religiosè consummauit. Anno Domini M. CCC. xxxxy. Die XXVIII. Iulij, tertiæ decimæ Indiēt, sequenti verò die factis exsequijs tumulatur.

IBIDEM.

F. ANGELO NEAPOLITANO B. M. qui sic obiit, vt viuere docuit, D. PETRVS à TOLEDO Neapol. Prorex, piam ob amicitiam Pont. iussit anno M. D. XLI.

IN S. LAURENTIO.

IOAN. FRANC. PIGONNO, in quo tot virtutum flores enitebant, vt immortales posteris fructus pollicerentur: sed tantum eheu! spem fructuū rapidus Auster illicò ad terram decussit, AVRELIUS & CAECILIA VRSINA parentt. certatim lacrymantes, filio quàm Cariss. ob egregias dotes POSS. Elatus quiescenti, quàm mortuo similior, annum agens XIII. M. D. XLVIII.

IBIDEM.

VITO PISANELLO, ex antiqua orto familia: vtpotè cui Pisæ in Achaia, vnde ea est, cognomen indidère. Federici Regis, à secretis intimo, atque à latere Consiliario, & miserrimis temporibus laborum, itinerum, periculorumq; socio. Dein Ferdinando Regi Catholico, ob raram aduersis in rebus fidem, Gallis regnum innadentibus, acceptiss. Qui post receptam Neapolim an. agens LXXIII.

G s in eius

in eius gremio mortalitatem expleuit. Andr. Franciscus, & Mutius Neapol. auro opt. ac bene merenti testimonium amoris & pietatis exsoluerunt. Funeratus Id. Decemb. M. D. XXVIII.

IBIDEM.

IOAN. BAPT. VILLANVS, quam viuus nequiuit, mortuus inuenit requiem.

ANONYMI.

Quisquis es, hoc te sepultus rogat, sua ne moueas, seu inquietes ossa; ut, qui viuus nunquam quieuit, saltem quiescat mortuus.

ANTE TEMPLVM.

Non semper ero hic, usque fui. Hospes, quid sim, vides. Quid fuerim, nosti; futurus ipse quid sis, cogita.

*Inferris sancto Manes quia turpe putauit,
Idcirco ante fores conditus hic iaceo.*

ERYCIVS PVDERICVS Eq. Neapolitan. viuus sibi pos. ne de sepulchro sollicitus haeres esset, neque viuorum negligentia obesset mortuo. Valere posteri.

EIVSDEM TUMVLVS PER
IOVIANVM PONTANVM.

*Quid satis huic, hospes, cineri feliciter optes,
Cui fuit ex omni parte probata fides?
Cognatis, Patriaeq; bonus: vir commodus agris,
Vtilis & bellis, parq; domi, atq; foris.*

Detra-

*Detrañtum ERRICO nihil est sub iudice morum,
 Quo meritò iactat se Puderica Domus.
 Dic igitur pia verba: simul cum thure Sacerdos
 Da nardum. huic tumulo dicere non sat, aue, est.*

IN S. AVGVSTINO.

COLVTII COPVLAE.

Nil meum, quod debui, reddidi D. O. M.

COLVTIVS COPVLA Patrit. Neapolit. Iuris
 Ciuilis ac Pontificij in iuuetà donatus insignibus,
 cuius Patrociniũ omnis sexus, omnis ordo in cau-
 sis optauit, hoc sibi suisque posteris, viuus, sepul-
 cri memor, POS. Expecto donec veniat immuta-
 tio mea. M. D. XXI.

IBIDEM.

*Quot lacrymas moriens liquisti, filia, matri,
 Tot tibi dent superi gaudia perpetuo.
 Fer conata sequi, ter spiritus haeret ori,
 Quod volui, haud potui, te moriente mori.
 Solamen si quod misera est, insomnia praestant,
 Quum tristem in somnis ludit imago animam.*

CLAVDIAE GAGLIANAE foeminae rariss.
 Quae vixit annos XIX. menses X. dies IV. Angela
 Ferrayola mater infeliciss. F. Quam tunc dolor
 intestinus deseret, quum clemens mors illam as-
 sequetur.

IBIDEM.

Anno Domini M. CCC. XXVIII.

II. April. Indictione XI.

obiit

BEA

NEAPOLITANA.

BEATVS AVGVSTINVS TRIVMPHVS

DE ANCONA,

Magister in sacra pagina,

Ordinis Patrum Eremitarum

S. Augustini,

qui vixit annos LXXXV.

ediditque suo angelico ingenio XXXVII.

Volumina librorum.

Sanctus in vita & clarus

in scientia.

D. O. M.

ANTONIVS CORRADIVS Aquinatum Pontifex, nobilitate clarus, virtute clarior, pietate ac religione clarissimus, hic situs est. DARIA GREGORIA de Aquino leuiro benemerenti ex suo 708. ann. ab ortu salutis M. D. XXXIV.

IBIDEM.

DIONEVS fiii TORNAQVINTIVS, ann. vi. xi. vix XVIII. vitæ instabilitatis exemplum. M. D. XIII.

IBIDEM.

Flere tuum licuit. frater dulcissime funus:

Addere perpetuas non licuit lacrymas.

PAVLO FONTANÆ Augustinianò Theologo, Concionatori ætatis suæ eloquentiss. qui vixit ann. XXXIV. M. IV. D. VII. Michael Fontana frat. opt. ac B. M. ob pietatem posuit. Obijt anno Christi M. D. XXXIV. Augusti XXVI.

Sub hoc Epitaphio picta est aquila, tenens librum magnum apertum, adiectis verbis seqq.

P AV-

PAVLVM verò Neapolit. Eremit. in quo potissimum laudum genere collocem, non inuenio. Nam si probitatem, si studia, humanitatem, liberalitatem, gratiam spectem; nemini secundus apparebit. Si dicendi peritiam, facundiam, promptitudinem, modulatis vocem, aptis gestus, concinnos flores, luculenta verba, beatam memoriã, feruentiss. hortationes, propheticum furorem: primum in sua ætate locum facile obtinebit. cuius perennem atque beatiss. eloquentiæ fontem toties Vrbs ipsa Roma, Venetorum Senatus, Ianua, Panormus, Sicilia, Regnum Apulię, & quod rariss. est, patria Neapolis, maximo plausu pluries est admirata: quem in medio fortunarum cursu, vt desiderabiliorem nobis, sic & feliciorem sibi, mors ipsa abstulit, finem quoque tantorum laborum & volenti, & plurimum exoptanti præstitit.

ALIVD.

Fides, probitas, pudor, hijs cineribus perpetuo comites, communem hæc eternitatem expectant. BARTHOLOMAEO PACCIO, NICOLAO MEDICI, & BEATRICE eius F. ciuibus NEAPOLIT. ex vetustiss. Florentiæ familijs: Nicol. Anellus Paccius, Art. & Med. Doctor, patri, auo, & matri ob debitam pietatem, sibi ac posteris P. Ann. à Deo homine M. D. LX.

IN S. SEBASTIANO.

MARIAE FRANC. VRSINAE Ioan. Manupelli Comitiss. F. quæ, defuncto viro Ioanne Antonio Martiano Sinuissæ Duce, qui cum VI. ann. concordissimè vixisset, neglectis huius vitæ illecebris, vt æternam assequeretur, instaurato auctoque sua
impen-

impensa hoc DD. Petri & Sebastiani Monasterio,
 introducta auctioris vitae obseruatione, cum se totam
 Deo deuouisset, xxx. agens annum, à Monialium
 coetu, ob morum sanctitatem Moderatrix delecta,
 per xxxii. ann. inclusam vitam inculpatissimam
 transegit; Priorissa, & Moniales auctori sanioris
 vitae & reformatrici B. M. P. Obijt anno M. CD.
 LXXXIII. mens. Ianuar.

IOANNIS ALEFELDII EQ. CIM-
 BRI, ANNO M. CCCC. LXXXI.
 extincti.

DEFUNCTVS LOQVIT VR.

Est huius vitae cursus labyrinthus, in ipsum
 Ex utero intraui, morte vorante, abij.
 Erraui hinc quantum DEVS & mea fata volebant,
 Lustraq; transiisi quinq; diesq; decem,
 Nobilibus tribui studijs haec tempora vitae,
 Ut sic nobilior nobilis ipse forem.
 Nunc iaceo, patria longè tumulatus ab oris,
 Iudicis expectans acta suprema DEI.
 Cimbrica me genuit tellus arctoa, sub austro
 Parthenope rapuit, Parthenopeq; tenet.

Fratri charissimo Baltazar de Alefeld
 C. L. P.

IN DIVAE CLARAE.

Nata, eheu miserum! misero mihi nata parenti,
 Vnicus ut fieres unica nata dolor.
 Nam tibi dumq; virum, tadas, thalamumq; par abam,
 Funera & inferias anxius ecce paro.

Debui-

*Debuimus tecum poni, materq; paterq;
 Ut tribus hac miseris vrnarata foret.
 At nos perpetui gemitus, tu nata sepulcri
 Esto haeres, vbi sic impia fata volunt.*

ANTONIAE, filiae clariss. quae Hieronymo Gra-
 natae iuueni ornatiss. destinata, vxor ann. nondum
 impleuerat XIV.

IOAN. GAUDINVS, & Eleonora Bossa, paren-
 tes infeliciss. pos. Rapta ex eorum complexi-
 bus, An. salut. M. D. XXX. Prid. Cal. Ianu.

VENERILLAE PVELLAE.

*Vrnavt sit tibi salua, precor, qua ad flumina pergis;
 Tu vero, vt mibi sit cura, precare, leuis.
 Siste, mora est breuis: hac, lege VENERILLA quiesce:
 Manibus & bene sit, & bene sit cineri.
 Mutua sed faciam: bene sit tibi, sit bene nat;
 Sit quoq; cum placido lis tibi nulla viro.
 Auctor Iouianus Pontanus.*

HOMINIS MENDICI.

*Nulla mihi viuo domus, at nunc certa sepulcro est,
 Vitaq; paupertas, mors mihi diuitia.
 Vita mihi exilium, requies ac certa sepulcrum:
 Nudus eram viuus, mortuus ipse tegor.*

D. O. M.

LACT. LVCAITIVS CAVSID.

*Spiritum Deo, Prolem naturæ, laborem sorti,
 Probitatem famæ, nefas Erebo, ossaq; sepulcro.
 Sibi viuens, ac Posteris D.*

D. O. M.

D. O. M.

ISOTTA BAVTIA, Pyrrho Bauto Altimuri Principe, atque Maria Vrsina, parentibus inclitis genita: Petri Genarę, magni regni huius Seneschalci vxor, prisca matronar. virtute ornatiss. mortale sui dimidium Sacello in hoc auito deponendum viuens cur. Coelestem ad patriam spe summa & fide ducibus migratura. Quid non æui longinqua vetustas, fortuna obsequente, mutat? Principatus ad alienos fors transfudit: Domina titulos seruauit inanes: at foemina Princeps: licet tot claris orbata & titulis & fortunis; bona tamen animi sanctissima secum retinuit. Vixit ann. 70. mort. anno Theogoniae 1530.

IN MONTE PIZO FALCONIO.

ANDREAS CARRAFAS, S. Seuerinae Comes, villam hinc struxit, CARRAFINAMQ. appellauit, Luccullum imitatus parili animo, licet opibus impar, atque ita sanxit. Delicati iuuenes huc ne accedunt. Emeriti senes, nec in gloriam, honesta quiete hinc fruuntur. Viri docti bonique ingenia hinc exercent. Qui est Carrafa gentilitate fuerit, qui sanctiones hasce non seruauerit, suburbani huius exhaeres esto, proximiorque succedito. Anno M. D. XII.

IN LEUCOPETRA VILLA.

Hospes, etsi properas, ne sis impius, praeteriens hoc aedificium venerator. Hinc enim Carolus V. Rom. Imp. a debellata Africa veniens, triduum in liberali LEUCOPETRAE gremio consumpsit. florem spargito, & vale. Anno M. D. XXXV.

I N

I N T V R R I.

Vt diurno lusu defessus Pan, Satyris Nymphif-
que comitantibus, cum musis simul tutus à prædo-
nibus noctu quiesceret, Bernardus Martyranus Pa-
tritus Consentinus, Regni Neapolitani sub Caro-
lo Cæsare V. Secretarius, propugnaculum hoc ere-
xit. Anno M. D. XXXII.

I N F O R N I C E N Y M P H A E I.

BERNARDVS MARTYRANVS Consentini-
nus, Imp. Carolo Cæs. Augusto à consilijs, in Re-
gno Neapolitano Secret. qui magnis domi mili-
tariq; functus honoribus, decus vetustissimæ fami-
liæ auxit sua virtute & dignitate. post labores ho-
nestos fortiterque susceptos, ex opere nouo Con-
charum Nymphæum hoc Genio POS. & Otio li-
berali. Anno M. D. XXXIV.

P O N T I S M A G D A L E N A E
S V P R A S E B E T H V M.

Siue hospes, siue inquilinus viator es, bene ad sis.
quem vides pontem collata provincialium popu-
lor, pecunia, publicæ commoditati restituit, BER-
NARDINO MENDOTIO, Principe optimo, au-
spice; dum regno Philippi Aultrij, regis nostri in-
elyti, nomine, summa omnium beneuolentia præ-
fuit. Transi felix, & vtere. M. D. LV.

I N H O R T O S E C R E T O P R O R E -
G I S I N C O L V M N A.

PETRVS TOLETVS Hispanus, Marchio Villæ
Franchæ, Neapoli Prorex, nouam cum hippodro-
mo porticum nouæ arci primis regendi auspicijs
H adden-

addendam curavit, Caroli V. Imp. & stiror. Regum Proregumq; commoditati, vrbis decori, documento demum magni animi, & in nitidiorum formam, splendoremq; suum cuncta reditura pollicentis. Anno M. D. XXXIII.

PORTAE PALATII MARCHIONIS DEL VICO.

NICOLAUS ANTONIVS CARACCIOLVS Vice Marchio, & Cæsaris à latere Cõsiliarius, has Genio ædeis, Gratijs hortos, Nymphis fontes, nemora Faunis, & totius loci venustatem Sebetho & Sirenibus dedicauit, ad vitę oblectamentum, atque secessum, & perpetuam amicorum iucunditatem. Anno M. D. XLIII.



CAIETAE.

IN TEMPLO ARCIS.

*Aucto Imperio, superata Italia,
Dei victo Gallo, Pontifice obsessio,
Roma capta, Caroli BORBONII
Hoc marmor cineres continet.*

HISPANICE.

Francia medio la leche.
Espania la ventura.
Roma medio la muerte,
Gaieta la sepultura.

Obijt anno Christi M. D. XXVII.

Consule Ionium & Pontem Hæterum, lib. 9. rerum Belg.

ALIVD.